

春秋左傳釋人

春秋左傳釋人卷九

河內范照藜乙青集

諸侯臣考五

陳臣考

公族

公子佗字五父文公子桓五年桓公卒佗殺大子免而自立

明年蔡人殺之

大子免桓公大子爲佗所殺

公子御寇宣公大子莊二十二年被殺

公子完一稱敬仲厲公子御寇黨莊二十二年奔齊辭卿爲

王正其子孫遂仕於齊爲陳氏

公孫寧一稱孔寧文十七年會諸侯伐宋後與靈公儀行父俱通於夏徵舒之母宣十年徵舒弑靈公與行父奔楚明年楚莊殺徵舒而納之成二年會諸大夫於蜀公子黃衰公弟襄七年慶虎慶寅言於楚而執之二十年二慶譖之奔楚愬二慶二十三年二慶被殺楚人歸之公子招哀公弟一稱司徒招昭元年會執八年與公子過共殺大子偃師立公子留旣而歸罪於過而殺之楚人放之於越

公子過亦哀公弟

悼大子名偃師哀公大子惠公父襄二十五年鄭入陳哀公
扶大子奔莒昭八年哀公疾招與過共殺之

公子留哀公庶子招與過立之懼罪奔鄭

公子勝亦哀公庶子愬招過於楚 二人並見昭八年

公孫佗人定十四年從楚滅頓

公孫員子哀十五年如吳弔卒於途

轅氏

轅一作袁新唐書云出自胡公轅濤塗胡公十一世

孫也

轅濤塗一稱宜仲僖四年因鄭申侯言爲齊所執既而舍之

後謂殺申侯於鄭二十九年盟翟泉

轅選

或云宣仲子文二年會師伐秦

袁僑

宣仲四世孫襄三年成公使之如會

袁克

哀公嬖人昭八年厚葬哀公而逃

轅頗

宣仲裔孫哀十一年國人逐之奔鄭

轅咺

頗族從之出奔

轅買

哀十四年奔楚

夏氏

出自宣公子少西字子夏其孫因以爲氏

少西

字子夏徵舒祖宣公之子見宣十一年

御叔 子夏子早卒見成二年

夏徵舒字子南一稱夏南御叔子其母夏姬通於靈公孔寧儀行父宣十年弑靈公明年楚莊討而殺之

夏徵 徵舒元孫昭二十三年爲吳所獲

夏區夫哀十三年盜殺之

鍼氏

已下二族未詳所出

鍼子 隱八年如鄭送女

鍼宜咎鍼子八世孫慶氏當襄二十四年奔楚仕爲箴尹

慶氏

慶虎

與寅皆執政大夫襄七年使楚人執公子黃二十年

逐黃與奔楚趙之二十三年以陳叛楚楚伐之二人

俱爲國人所殺

慶寅

慶樂

慶虎族襄二十三年代二慶如楚被殺

諸大夫

懿氏

公子完妻父

頡孫

大子御寇黨從公子完奔齊自齊奔魯二人並見

莊二十二年

女叔

莊二十五年聘魯

原仲 莊二十七年魯季友如陳會其葬

儀行父詳見公孫寧

洩冶 宣九年諫靈公被殺

司徒邛襄十七年爲宋莊朝所獲

司馬榘子鄭入陳哀公使以宗器賂鄭

置獲 鄭入陳以車免其君 二人並見襄二十五年

孔魚 襄二十七年會宋昭八年黨於公子招爲楚所殺

子徵師行人昭八年楚殺之

逢滑 哀元年論吳不當從

宗豎 哀十四年奔楚自楚復歸被殺

芋尹蓋哀十五年爲公孫貞子介貞子卒以尸如吳將事

案芋音羽地名尹官名蓋人名芋尹乃以地名官如
楚沈尹之類非複姓也

齊臣考

公族

東宮得臣莊公子衛莊姜兄見隱三年在春秋前

公子彭生桓十八年襄公使殺魯君於車旣而殺之以謝魯人

公子糾僖公子莊八年襄公弑管仲召忽奉之奔魯明年魯

君納之桓公先入魯師敗糾復奔魯鮑叔逼魯殺之

公子無虧武孟桓公長庶子衛共姬所生閔二年以車甲戌曹

僖十七年桓公卒易牙等立之明年宋襄公伐齊爲

國人所殺

公子雍桓公庶子宋華子所生孝公立奔魯僖二十六年魯

人與之於穀使易牙奉之

桓公七人名皆無考爲七大夫於楚見僖二十六年

公子彊宣十八年爲質於晉

公子角頃公子見成十七年

公子牙靈公庶子嬖人仲子所生靈公黜太子光而立之襄

十九年光卽位被執

公子買牙黨襄二十一年莊公討牙黨執買於句瀆之邱及

慶氏以召而復之案襄二十八年傳買在句瀆之

邱買卽買之訛非二人也陳氏世族譜分爲二人非

是

公子鉏靈公子牙黨襄二十一年奔魯慶氏亡復歸昭元年

納莒公子去疾二十六年納魯昭公伐魯不克

叔孫還亦牙黨襄二十一年奔燕後復歸

公孫敖莊公勇力之臣與賈舉等俱從莊公死於崔氏

公孫明一稱子明私娶魯叔孫豹妻國姜見昭四年

公孫皙昭七年論與燕平

子成 頃公子一稱子城昭八年與子工子車皆爲子旗所

逐十年樂高亡陳無宇召而復之

子工 子成弟一稱子公

子車 頃公孫一稱公孫捷一稱子淵捷被逐復歸昭二十

六年從公子組伐魯

子商

子山

子周

三人皆羣公子襄三十一年爲子尾所逐昭十年陳氏召而復之

公孫侵昭十二年從景公如晉

公孫青字子石頃公孫昭二十年聘衛

公子嘉

公子駒

公子黔三人皆景公庶子哀五年景公卒孺子荼立三人皆

奔衛

公子鉏亦景公子一稱南郭且于哀五年同陽生奔魯 案

此人與前公子鉏同名非一人也

公孫夏從國書等與吳戰被獲

公孫揮艾陵之役從戰 二人並見哀十一年

仲氏

出自莊公 案齊公族仲氏外尚有九家高氏出自
文公國氏亦姜姓未詳所出隰氏亦出自莊公崔氏
出自丁公慶氏東郭氏俱出自桓公樂高二氏出自
惠公謂之二惠盧蒲氏姜姓亦未詳所出

夷仲年夷種仲字年名僖公弟隱七年聘魯桓三年致夫人

再聘魯

公孫無知年子莊八年通稱等率之作亂弑襄公明年爲雍廩
所殺

仲孫湫年孫閱元年如魯省難知廣父必爲後患僖十二年
聘周不言復王子帶皆有先見之明

高氏

太公九世孫文公生公子高其孫侯遂以爲氏世爲

齊上卿

敬仲 名侯莊二十二年盟防 案僖十一年杜注侯之子

曰莊子不見經傳附記於此

高宣子名固當是莊子子宣五年如魯逆女十七年頃公使
固與晏弱等往會晉卿固中道逃歸成二年晉卻克
以諸侯之師伐齊固徒知自負其勇而不能少匡其
君鄙哉

高無咎固子成十六年會晉師與楚戰不及明年聲孟子訴
而逐之出奔莒

高弱 無咎子其父被逐以盧叛

高厚 亦固子無咎叛嗣位爲卿襄六年滅萊十九年因其
爲公子牙傳莊公卽位使崔杼殺之

左傳釋人 卷九

高止 字子容厚子嗣父爲卿襄二十九年城杞秋二惠放之於北燕

高豎 止子其父被放以盧叛請立後而奔晉晉人處之綿鄴 敬仲曾孫豎請後立之爲卿一稱高偃昭十二年納

北燕伯 案正義以鄴偃爲一人良是今從之

高發 疑當是偃子昭十九年伐莒

高昭子名張偃子昭二十九年唁魯昭公哀六年陳乞害之與國夏俱奔魯

高無不哀十一年與國書伐魯既而將上軍與吳戰敗於艾陵十五年奔燕後復歸二十三年禦晉荀瑶

國氏

亦姜姓未詳所出

國莊子名歸父僖二十八年戰城濮三十三年聘魯 案僖

十一年杜注莊子父曰懿仲不見經傳附記於此

國武子名佐一稱賓媚人歸父子宣十年聘魯成二年頃公
爲晉所敗使佐賂晉卿賴其言以退晉師有大功十
七年因責慶克聲孟子譖於靈公佐殺慶克以穀叛
公盟而復其位明年殺之

國勝 佐子成十八年靈公殺其父並殺之於清

國景子名弱勝弟父兄被殺奔魯靈公召而立之襄二十六

年相景公如晉請釋衛獻公使私於叔向之言尤見
愛人以德可謂賢矣

國惠子名夏弱子定四年會諸侯於召陵侵楚定七年伐魯
哀五年景公使與高張共立荼明年陳乞攻之戰而
不勝奔莒遂及張等奔魯

國書 哀十一年與高無丕伐魯既而將中軍與吳戰敗於
艾陵死之

國觀 書子哀十七年救衛

隰氏

山自成公子莊公孫戴仲之後仲卽隰朋父也見國

語注

隔朋

僖九年與秦師納晉惠公十年會周鄭士立之十二年又平戎於晉蓋亦桓公之賢佐也

隰鉏

朋曾孫襄二十五年請成於晉

隰黨

鉏子昭十四年與公子鉏送莒庚與

崔氏

丁公子季子食采於崔因以爲氏季子十一世孫崔

天新唐書云

崔天

世次無考僖二十八年從國歸父助晉戰城濮

崔武子名杼當是天子宣十年高國逐之奔衛其後復歸成

十七年靈公立爲大夫使討國弱襄六年齊滅萊定其田後屢相大子光會盟諸侯靈公欲廢光卒賴其謀得立光後通於其妻棠姜襄二十五年杼弑光立景公二十七年其諸子自相攻慶封殺之與其妻皆縊而死娶一淫婦人招滅族之慘吁可畏哉

崔成

與彊皆杼前妻所生子成有疾杼廢之立明因請崔邑怒東郭偃棠無咎而殺之已而皆爲慶封所殺

崔彊

崔明

杼娶棠姜所生家亂作兩兄被殺父母皆縊明奔魯而崔氏亡矣

祖如 崔氏族襄二十三年從莊公伐晉

慶氏

桓公子無虧之後

慶克 當是無虧之孫通於靈公之母聲孟子成十七年爲

國佐所殺

慶封

字子家一稱慶季克長子父被殺成十八年靈公立

爲大夫襄二十五年崔杼弑莊公立景公封進左相

二十七年滅崔氏遂當國二十八年者酒荒淫諸卿

謀殺其子共逐之奔魯旋奔吳聚族而處於朱方昭

四年楚靈王殺之滅其族

慶佐 封弟戒十八年立爲司寇

慶舍 字子之封子以女妻盧蒲癸癸與王何謀約諸卿殺

之而其女亦與有力焉奇哉

慶嗣 字子息諫封歸國不聽

慶箕 一稱慶繩與麻嬰俱被殺 與嗣俱慶族或云佐子

已上三人皆見襄二十八年

東郭氏

出自桓公未詳何人之子或曰偃桓公四世孫也其族至田齊時尙存孟子出弔於東郭氏

東郭偃崔杼臣杼取其姊棠姜卒以致敗襄二十七年偃爲

崔成兄弟所殺

東郭書或曰偃孫定九年伐晉哀十一年死於艾陵之戰

東郭賈一稱大陸子方爲闕止臣哀十四年陳氏殺止賈奔

衛

樂氏

公孫寇字子雅惠公孫襄二十八年與子尾等同滅慶氏昭

三年卒

樂施字子旗竈子昭二年晉韓起斷其非保家之主十年

陳鮑共伐之與高彊同奔魯而二惠亡矣

高氏

左傳釋人

卷九

十一

如不及

公孫薑字子尾惠公孫與子雅稱二惠襄二十八年同滅慶氏其輔公室頗能自強惟是殺闕邱嬰出羣公子自剪其翼迨至以女更公女而嫁晉侯罪惡已極昭八年卒不二載而其子敗亡且波及子雅氏也哀哉

高彊字子良薑子昭十年奔魯後通晉黨於范氏定十三年勸范中行氏勿伐公不聽其言二氏卒以致敗彊從之奔朝歌明年爲晉所獲

盧蒲氏

姜姓亦齊之公族也未詳所自

盧蒲就魁頃公嬖人成二年從伐魯爲龍人所殺

盧蒲癸莊公勇力之臣從伐晉見襄二十三年其後莊公被弑癸奔晉二十八年復歸齊娶慶舍女欲爲莊公復仇與王何密圖慶氏滅之互詳慶舍王何二人注

盧蒲癸慶封黨襄二十七年慶封使之代崔杼攻崔氏殺其諸子崔杼自殺而崔氏以滅齊之大權盡歸於慶封後與封易內飲酒二十八年盧蒲癸王何與諸卿謀滅慶氏放癸於齊之北境昭三年再放之於北燕案袁枚詩話云杭州馮山公以春秋盧蒲癸爲齊之忠臣云替莊公報仇要滅崔氏非慶封不可欲輸心慶封非易內不可五倫中君父最大妻爲小嬖顧大

倫故不顧小倫云云讀之不覺失笑夫爲莊公復仇者癸也非嬖也嬖爲慶封黨人其勸封乘崔杼家亂而滅之寔爲崔薄慶厚起見非爲莊公報仇且其事在襄二十七年其後慶封委政於其子慶舍始與嬖易內飲酒在襄二十八年而癸之返國慶舍妻之以女癸又返王何於燕二人外事慶舍定密圖之故一舉而慶舍殺慶封奔慶氏滅並嬖亦被放矣傳文前後明白顯然兒童束髮讀書者皆能縷述之今馮氏乃以報仇之事屬之於嬖而移易內之事於滅崔之前信口撝拾全不知傳文爲何物真所謂盲人道黑

白者袁氏喜聞異說不加考証載之於書恐其貽誤
後生不淺也不可以不辨

管氏

姬姓出自周穆王見國語注

管至父與連稱共戕葵邱請代不得莊八年奉公孫無知作
亂弑襄公

管敬仲名夷吾仲其字也一稱管仲襄公弑與召忽奉公子
糾奔魯莊九年與桓公爭國不勝鮑叔逼魯殺糾召
忽死之仲請囚鮑叔薦之桓公遂相桓而成伯業僖
十二年平戎於王室十七年卒孔子恕其事仇小節

而亟許其仁亦春秋已來不可少之人也

管于奚娶魯聲伯之母見成十一年 案此人當是管仲裔

孫

二子

名皆不傳于奚娶聲伯母所生于奚死二子隨其母

復歸魯聲伯以之爲大夫見成十一年

鮑氏

如姓未詳所出國語注叔牙鮑敬叔子亦無確據

鮑叔牙桓公傳襄公末年知國將亂奉桓公奔莒及襄公被

弑以公先入魯侯納公子糾不克牙復帥師逼魯殺

子糾取管仲以歸薦之桓公使爲相以成伯業明於

知人長於應變一時盛事千古美談

鮑莊子名牽牙曾孫成十七年以得罪聲孟子靈公刖其足
鮑文子名國牽弟去齊爲魯施氏臣兄被刖靈公召而立之
居卿位七十餘年定九年諫納陽貨蓋已近百歲矣
鮑牧 國孫一稱鮑子哀六年助陳乞攻逐高國及乞立陽
生誣而盟之八年有諷羣公子語悼公誘而殺之
鮑點 哀六年鮑子醉而往其臣差車鮑點

晏氏

萊之夷濰人已下諸族皆未詳所出

晏枋子名弱宣十四年論魯歸父十七年被執於晉旋釋之

襄七年卒居卿位者四十餘年矣

晏平仲名嬰弱子襄十七年嗣父爲卿崔杼弑莊公以其有
賢名舍而不殺其後相景公幾四十年當時重之至
與管仲並稱孔子亦稱其善與人交庶幾賢大夫矣
顧明知陳氏將興而樂高之難竟不少爲助力且勸
陳氏歸邑於公是陳氏之收拾民心弑君篡國皆嬰
啟之雖屢言於景公亦奚爲者厥後嬰死未幾其子
圉亦被陳氏遂奔魯距樂高之亡特先後異耳嬰而
有知其何面目見二惠於地下也哉

晏圉

嬰子哀六年黨於高國同奔魯而族亡 圉助高國

而亡勝於乃父之助陳氏多矣

晏犛

晏族襄二十三年爲晉所獲

邴氏

邴歆之父名失傳懿公爲太子時與之爭田不勝公卽位掘其

尸而川之見文十八年

邴歆

文十八年與閭職共弑懿公

邴夏

成二年爲頃公御戎戰於鞌

邴師

勇士襄二十五年死莊公之難

邴意茲定十三年伐晉襄六年奔魯

王氏

王湫 國在黨成十八年奔萊襄六年齊滅萊湫奔莒莒人殺之

王何 莊公嬖人公被弑奔燕盧蒲癸言於慶舍而反之襄二十八年與癸同謀殺舍滅慶氏

王黑 樂高之亂爲景公率旗見昭十年

王猛 定九年從伐晉

王甲 與豹皆安孺子黨哀六年陽生篡立殺甲囚豹

王豹

棠氏

棠公 棠邑大夫失名崔杼取其寡妻 案棠公非僭稱也

蓋其家臣呼之正義云

棠無咎棠公子母嫁崔杼遂從之與其舅東郭偃相崔氏襄
二十七年崔成兄弟殺之

閻邱氏

閻邱嬰莊公嬖人公被弑載其妻奔魯崔慶亾後復歸襄二
十九年圍高豎於盧三十一年爲子尾所殺

閻邱明嬰子哀八年如魯蒞盟且爲悼公逆季姬

閻邱息明子見哀二十一年

北郭氏

北郭佐字子車襄二十八年助滅慶氏

北郭啟佐之後昭二十二年伐莒

工僕氏

棠莊十七年遂有工婁氏齊滅遂此族仕於齊工僕
當卽工婁也

工僕會襄十九年與殖綽緄城以納齊師

工僕瀝與消竈三人皆閭邱嬰之黨襄末年嬰被殺皆奔莒

大史

史 筮史爲崔杼占娶棠姜

大史 書崔杼弑君杼殺之

大史 入二人嗣書被殺一人又書乃舍之賢哉諸史惜乎其

名姓不傳

南史氏史之在外者聞大史盡死執簡以往既而知已書乃還 諸人并見襄二十五年

史記 昭二十年梁邱據裔款請誅史嚚與祝固以謝賓客大史子餘哀十四年助陳常作亂阻簡公

陳氏

陳公子完奔齊受官子孫因以陳爲氏至無宇逐二惠勢漸盛迫乞與桓相繼弑君遂執國政又三世至和竟篡齊改稱田氏

陳公子完一稱敬仲陳厲公子莊二十二年奔齊桓公使爲卿

辭之爲工正由是家於齊而子孫寢昌焉

陳文子名須無完曾孫襄二十二年晏平仲與之論莊公二十八年助樂高滅慶氏其勢漸盛

陳桓子名無字須無子襄六年滅萊先其父見傳昭二年送女於晉被執旋釋之十年逐樂高勢日強大加以晏嬰勸之施德穆孟姬爲之請邑代齊之基肇於此矣

陳書

字子占一稱孫書乞弟昭十九年伐莒哀十一年死於艾陵之戰

陳武子名矢字子疆昭二十六年伐魯 案此人世次無考亦不再見於傳疑當是無字之子書與乞之父於先

後時事方合但杜氏未之注而又以書爲乞弟乞爲
無字子故亦未敢輕改而附記於此

陳僖子名乞據杜是無字子書見哀四年救范氏六年逐世
卿高國二子弑荼立陽生誣鮑牧齊之大權已歸掌
握而其君如贅旒矣 案哀十年悼公被弑傳無明
文當仍是乞爲之耳

子士
哀六年乞召陽生至齊使子士之母養之當是乞子
或曰子士是陳恒字當是一人附記於此

陳瓘
字子玉恒庶兄乞子哀十一年與陳莊俱從伐魯十
五年如楚

陳莊 據哀十四年杜注此人諡昭子亦是恒兄弟輩

陳成子名恒乞子哀十四年殺闕止弑簡公肆行無忌以弑君爲衣鉢而篡國之勢成矣 案哀十四年傳成子兄弟四乘如公杜注云成子兄弟有昭子莊簡子齒宣子夷穆子安廬邱子意茲芒子盈惠子得與成子共是八人二人共一乘爲四乘也昭子卽陳莊其餘六人俱未見傳附記於此

陳逆

字子行陳族哀十一年戰艾陵十四年助恒謀殺闕

止

陳豹

陳族闕止臣有寵於止止欲逐陳氏而立之豹不可

反洩止謀於陳氏止遂被害真賊奴也

諸大夫

孝成父文十二年傳云襄公二年成父獲長狄榮如是魯桓之十六年也先補載於此

迎稱 詳見管至父

召忽 詳見管敬仲

雍廩 莊九年殺公孫無知

賓須無桓公從亾之臣從昭十三年晉叔向言補載於此

閭職 懿公奪其妻使之驂乘文十八年與邴歆共弑君而

行

蔡朝

南郭偃二人皆宣十七年與高晏同如會高逃歸二人與晏俱被執苗賁皇言於晉侯而釋之

逢丑父成二年爲頃公戎右與公易位免君於難爲晉韓厥所執卻克因其忠宥之後世忠臣以身代君而救君於死者始於此人

鄭周父

宛拔 二人御副車載頃公以免 二人并見成二年

華免 成十八年靈公使殺國佐 案此人稱士乃刑官也

杜注以爲大夫誤矣

析文子名歸父字子家諸侯國齊以范宣子之言告靈公

殖綽

與郭最皆勇士爲晉州綽所獲後皆復歸

郭最

郭榮

與大子光叩馬諫靈公 已上四人俱見襄十八年

穀榮

王孫揮

召揚

三人一乘爲先驅

成秋

莒恒

歸多繆三人一乘爲申驅 案傳擊乃申鮮虞子也傳云申

鮮虞之傳摯與成十六年潘尫之黨句法相同程氏
人名辨異乃以申鮮虞之作名爲申鮮虞異稱謬甚
若申鮮虞之爲一人傳摯又爲一人則並成秩莒
恒爲四人矣四人同車傳文必稱之曰駟乘本傳大
殷四人可証不必遠徵也不通古人文義而妄爲撫
拾其可乎 因紀桂公伐晉勇力之臣類聚於此故
列於其父之前非倒置也

曹開

晏父戎二人爲公御右

上之登

邢公

盧蒲癸三人一乘爲貳廣 此人已入盧蒲氏內因備記莊

公伐晉之臣故再列之非複也崔如倣此

半成

襄罷師

狼遽疏三人一乘爲啓啓左翼也

商子車

侯朝

桓跳

三人一乘爲肱肱右翼也

商之游

夏之御寇

崔如

烟塵之越

四人一乘爲大駟傳稱之曰駟乘 已上二十一人

皆勇力之士從莊公伐晉並見襄二十三年

杞殖

一稱杞梁襄二十三年伐莒戰死

華還

一稱華周與殖同伐莒

賈舉

此又一人非侍人賈舉也

州綽

晉人奔齊襄於莊公

封具

鐸父

襄伊

僕堙

已上六人皆勇力之臣俱從莊公死於崔杼之家

邴師公孫敖另載

祝佗父祝官佗父名祭高唐歸而死於崔氏

申蒯監取魚之官與其宰俱死

宰名失傳從蒯死不欲苟免賢哉

馮蔑平陰大夫莊公外嬖崔氏殺之

申鮮虞莊公嬖臣奔魯僕賃於人爲公服喪後楚人召之爲

右尹

士孫人姓因以名里齊葬莊公於此自賈舉至此皆見

襄二十五年

烏餘 襄二十四年奔晉害於諸侯二十七年趙文子使人

以計殺之

麻嬰 慶氏黨同被殺

洺寇

孔虺

賈寅 三人皆閭邱嬰之黨襄末年嬰被殺三人皆奔莒

司馬寇昭三年論子雅二十二年如莒蒞盟

子韓哲論魯家臣南蒯見昭十四年

苑何忌一稱苑子昭二十年解公孫青之賜二十一年與諸

侯之師救宋二十六年從伐魯取魯人林雍之耳並
剗其足

梁邱據字子猶景公嬖大夫昭二十年因君疾與裔款請誅
祝固史嚚以謝賓客二十六年受季氏貨沮君納魯
侯定十年從君會夾谷孔子與之言不果享種種狡
詐小人之尤

裔款 亦嬖大夫

祝固 祝官名固人名 史嚚另列

烏枝鳴昭二十一年戌宋

子襄帶昭二十六年伐魯

鍾邱子鉏定八年爲魯顏高射死

敵無存定九年從伐晉死於夷儀其父與弟人微而無名故
不載

犁彌 定九年從伐晉十年會夾谷欲以兵劫魯侯孔子以
禮折之其謀遂不行

蒞施 一稱蒞多哀四年救范氏六年與晏圉同奔魯

闕止 字子我悼公臣從之奔魯後隨公返國得寵爲政哀
十四年陳氏謀殺之

江說 茶黨哀六年悼公拘之

朱毛 哀六年悼公使告陳乞

公孟綽哀九年悼公使解吳師

宗樓 一稱宗子陽哀十一年與吳戰將下軍

桑掩餘哀十一年御國書

諸御鞅哀十四年諫簡公

顏庚 一稱顏涿聚哀二十三年爲晉知伯所禽

萊章 哀二十四年論晉

晉 顏庚子哀二十七年陳恒以其父死國封爲大夫

諸小臣

徒人費受君之刑猶藏君而鬪死可謂忠矣

石之紛如亦拒賊鬪死

流陽

代君居牀被殺

已上三人皆襄公小臣見莊八年

寺人貂桓公小臣僖二年漏師於多魚十七年公卒與易牙

殺羣吏立無虧

雍巫

雍人名巫字易牙因寺人貂進於桓公公卒乘亂與

貂立無虧僖十八年無虧被殺易牙奔魯二十六年

魯寧公子雍於穀使易牙奉之 案管仲相桓公創

成伯業四十餘年乃不能肅清宮廷容留寵臣奄豎

以亂國家此其所以爲伯佐之才而不足語王臣之

道也

銳司徒主銳兵者

辟司徒王壘壁者 二人名皆失並見成二年

夙沙衛靈公寺人襄二年受萊人之賂後爲公子牙少傅莊

公立衛奔高唐以叛十九年殺而醢之

賈舉 莊公寺人襄二十五年與崔杼同謀弑君

襄人

御者 進食之人 二人皆見襄二十八年

虞人 掌山澤之官昭二十年景公田招之以弓不進被執

因其有辭乃舍之

宰 宰夫見昭二十七年

諸大夫家臣

晏氏老名不傳襄十七年晏桓子卒與平仲論喪禮

罔人

寺人 皆崔杼家徒見襄二十七年

慶舍士譏廬蒲癸不辟宗

陳罔人爲優者當非一人

崔氏臣名不傳獻杼柩者 已上皆見襄二十八年

梁嬰 子尾家宰昭八年子旗殺之而爲子良另立宰

其臣 子良之臣教子良攻子旗亦見昭八年

高鵬 子猶家臣爲魯貨子猶

苑子御苑何忌之御 二人皆見昭二十六年

公孫 名失常是闕止家臣陳豹使之言已者

侍人 闕止之臣爲陳逆所殺 二人皆見哀十四年

春秋左傳釋人卷十

河內范照藜乙青纂

諸侯臣考六

楚臣考

公族

公子元文王弟成王時爲令尹莊二十八年伐鄭歸而處王

宮蓋黜文夫人而通之矣三十年爲申公闢班所殺

王孫游

王孫喜二人皆從子元伐鄭見莊二十八年

王子職成王庶子見文元年

公子燮文五年滅蓼十四年與鬬克作亂被殺

公子朱一作稱息公子朱文三年圍江九年伐陳十年莊王田

孟諸爲左司馬

公子莸文九年爲陳所獲

公子嬰齊字子重莊王弟宣十一年爲左尹侵宋十二年邲之
役將右軍成二年爲令尹救齊盟於蜀七年與子反
共滅巫臣之族十六年鄢陵之役將左軍襄三年伐
吳歸得心疾而卒

公子穀臣莊王子邲之役爲晉荀首所囚成三年晉歸之以求

荀罃

公子丙宣十二年爲蕭人所殺

公子馮宣十四年聘鄭

公子申成六年與公子成以申息之師救蔡後爲右司馬受
小國賂以偪大臣襄二年被殺

公子成成六年救蔡十六年以汝陰之田求成於鄭十七年
成鄭襄十五年爲左司馬

公子罷卽王子罷成七年子重等共滅巫臣之族罷與沈尹
分子蕩之室十二年會晉士燮如晉聘且盟

公子平成九年爲莒所殺

公子辰字子商官大宰成九年聘晉

公子壬夫字季辛鄢陵之役以右尹將右軍成十八年會鄭皇
辰納宋叛臣於彭城襄元年侵宋三年代子重爲令
尹以貪利致陳叛五年共王討而殺之

公子拔鄢陵之役爲晉所囚 案此人與文九年被獲者同
名相去四十四年非一人也

公子寅成十七年與公子成戌鄭

公子囊師成十七年滅舒庸襄十五年爲右司馬

公子何忌襄三年爲司馬侵陳

公子貞字子囊莊王子成十五年諫子反背盟北師襄五年
代子辛爲令尹十四年卒執政時圍陳伐宋救鄭屢

用兵中原與晉相抗而晉國君明臣忠韓公三駕莫能爭強顧貞也成師以出知難而退卒不至喪師辱國可謂賢矣迨至王卒諡之以共師終遺言城郢左公以忠許之誠楚公子中第一流人也

公子罷戎襄九年入盟鄭伯十五年爲右尹

公子宜穀襄十五年爲吳所獲

公子午字子庚莊王子襄十二年聘秦十五年代子囊爲令尹二十一年卒謹慎小心以持國政亦賢大夫也

公子追舒字子南莊王子襄十五年爲箴尹二十一年代子庚爲令尹食利營私二十二年康王殺之

棄疾

子南子爲康王御士王告之而殺其父父死亦自殺

案楚有三棄疾一爲子南子自殺而死一爲闔韋

邲父昭六年爲吳所獲其一則平王也

公子格襄十六年與晉戰敗績十八年從爲子馮侵鄭

公子黡襄二十二年代爲子馮爲司馬

王子牟一稱申公子牟見襄二十六年

公子圍一稱王子圍共王庶子襄二十六年與穿封戌爭囚

二十九年代子木爲令尹三十年殺大司馬爲掩而

取其室昭元年聘鄭娶於公孫段且會諸大夫於虢

不臣之心彰聞四國冬弑郊敖自立是爲靈王

公子黑肱字子皙亦共王子襄二十七年宋之盟先至於宋後
爲宮廐尹昭元年靈王篡立奔鄭十三年子干招之
同作亂入國子干自立使之爲令尹未幾皆自殺
公子比字子干亦共王子爲右尹昭元年奔晉十三年歸國
作亂自立公子棄疾以計殺之名之訾敖

公子棄疾共王幼子靈王滅蔡封之爲蔡公昭十三年子干作
亂自立使爲司馬旋謀殺子干等卽位是爲平王

幕

平夏 二人皆鄭敖子昭元年圍弑鄭敖並殺之

大子祿

公子寵敵二人皆圍子昭十三年爲棄疾所殺

王子勝昭十八年言於平王遷許於析

大子建字子木平王長子鄭陽封人之女所生昭十九年平

王爲之聘婦於秦聽費無極言自娶之且居之城父

明年又信無極言欲殺之建奔宋二十年避宋華向

之亂又奔鄭自鄭適晉與晉人謀襲鄭爲鄭所殺

司馬子魚名魴昭十七年與吳戰敗死之 案杜注以爲公子

魴而傳無明文姑附錄之

襄瓦

字子常子襄孫昭二十三年爲令尹貪貨信讒欺凌

小國留唐蔡之君三年於國卒召報怨之師至於國

破君亡其罪已甚又不能以身殉國奔鄭偷生不惟
有愧乃祖亦何顏見沈尹史皇輩於地下也

公子申字子西平王長庶子昭二十六年平王卒子常欲立
之不從定四年吳入郢昭王出奔子西與子期力戰
禦吳卒能定亂迎王復國五年爲令尹哀六年昭王
疾又欲立之卒不從有撥亂返正之才又濟以讓位
敬君之德楚公子申可謂賢矣乃暮年召白公於吳
而無術以制之不惟已被殺身之禍幾致君有亡國
之慘何其無知人之明耶 案子西與襄二年被殺
者同名

公子繁守巢大夫定二年吳敗楚師克巢獲之

王孫由于一稱吳由于定四年從昭王出奔以背代王受盜戈

卒能輔王返國可謂忠矣哀十八年與公孫寧等敗

巴師於鄆

公子結字子期亦平王庶子定四年昭王奔隨子期詐爲王

以免王卒與子西力戰定亂哀六年昭王欲立之不

從十六年亦爲白公勝所殺哀哉

王孫圉

王孫賈二人皆從昭王出奔有功定五年王復國後并賞之

公子啟字子閭亦平王庶子哀六年昭王使之爲王五辭而

後許之卒不立十六年亦死白公之難

勝

大子建長子建被殺奔吳子西召之封爲白公哀十

六年作亂殺子西等劫惠王已而葉公討之自殺

王孫燕勝弟兄死奔吳

公孫寧字子國子西子十七年爲令尹十八年敗巴師王封

之析

平

子期子哀十六年白公勝將作亂平以其言告子西

不聽

公孫寬亦子期子亂定後爲司馬見哀十六年 案寬疑卽

是平非二人也讀者詳之

公孫朝亦子西子武城尹哀十七年滅陳

子良 惠王弟哀十七年卜爲令尹已而改命子國

公子慶哀十九年與公孫寬追越師

遺氏

遺地名與爲通未詳所自或云楚蚡冒生子遺章食
邑於遺以遺爲氏章生爲呂臣未知是否今分載之
遺章 桓六年武王使之求成於隨八年讓黃九年讓鄧楚
臣見傳之最早者

遺罷

字子蕩襄二十七年如晉蒞盟叔向稱之三十年聘
魯昭元年靈王篡爲令尹五年爲王逆女於晉

遷啓彌襄二十四年聘齊昭元年靈王立爲大宰五年諫王

辱晉送女使臣八年爲王召魯侯

遷射

昭五年以繁揚之師會靈王伐吳二十五年城州屈
定五年爲吳所獲 案此人卽是沈尹射辨詳後

其子

射子名矢定五年帥奔徒從子西敗吳師爲父報仇

遷洩

昭六年伐徐吳救徐敗楚師遷罷歸罪於洩而殺之

遷居

靈王篡立奪其田昭十三年從眾作亂

遷越

昭二十一年助宋華氏作亂二十三年與吳戰敗其

冬平夫人又爲吳太子所得懼罪自殺

遷固

一稱鍼尹固卽箴尹固也又稱工尹定四年從昭王

出奔執象燧以驚吳師哀十六年從葉公殺白公定
亂十八年與公孫寧等敗巴師

為氏

為呂臣一稱叔伯僖二十三年諫子文用成得臣二十八年
代成得臣為令尹

為賈一稱伯贏僖二十七年譏子文用子玉後為工正黨

闕叔謀殺闕般代之為司馬卒被叔殺見宣四年

為艾獵賈子一稱孫叔敖一稱為敖又稱沈尹代闕叔為令

尹宣十二年將中軍敗晉於邲莊王以伯治國行軍
兼擅其長楚之賢大夫也

為子馮孫叔敖子一稱達子馮襄十五年為大司馬二十一年子庚卒康王使為令尹以疾辭明年王殺子南復使為令尹願親見子南覆車而蹈其轍微申叔言直為舊令尹之續耳二十五年卒

為掩子馮子父死為司馬襄二十六年令尹子木以滅舒鳩之賞讓之三十年王子圍殺之而取其室自是為氏不復見傳矣

鬬氏

楚公族出自若敖

鬬伯比若敖子桓六年武王從其謀破隨以制漢東諸侯由

是日強

子良

子文兄當是伯比長庶子曾爲司馬見宣四年

鬬穀於菟字子文伯比淫邲女所生莊三十年繼子元爲令尹

毀家紓難楚國大治持國政者垂三十年僖二十三
年以令尹授子玉完名全節可謂賢矣其後子玉喪
師被戮由於自取終不得以是爲子文詬病也

鬬般

字子揚子文子繼成嘉爲令尹子越殺而代之見宣

四年

鬬椒

字子越子良子一稱伯棼僖二十八年子玉使諸戰

於晉文九年聘魯初爲司馬害從兄子揚代之爲令

尹宣四年作亂爲莊王所殺並滅其族

苗賁皇子越子父殺奔晉食邑於苗爲晉謀主見襄二十六年其事實詳晉外臣

克黃 子揚子爲箴尹子越作亂時克黃使齊返國自囚王宥之而復其位改其名曰生

棄疾 杜注韋龜父韋龜爲子文元孫則棄疾是子文曾孫當爲克黃子無疑矣爲宮廐尹昭六年吳獲之

鬬韋龜棄疾子子文元孫昭四年靈王使城許知蔡公有當璧之兆使其子成然事之

鬬成然韋龜子字子旗一稱蔓成然靈王奪其邑使爲郊尹

昭中三年從蔡公作亂平王立使爲令尹後與養氏比而無度十四年王殺之

關辛

成然子平王殺其父使居郢故稱郢公辛定四年昭王奔郢辛以王奔隨定亂有功與子文之賢裔也

關懷

辛弟昭王在郢懷欲弑之爲其父復仇辛不從與巢以王奔隨亂定後王皆賞之

關巢

亦辛弟

關氏族

關丹

桓八年獲隨右師

關廉

一稱關射師桓九年圍鄧敗鄧十一年敗鄧師頗能

用謀莊三十年諫子元爲其所執

闕祁

莊四年爲令尹武王卒於軍祁與屈重秘喪以盟隨

人可稱濟變之才

闕緡

武王使爲權尹以權叛王殺之見莊十八年

闕禦彊

闕梧

三人皆莊二十八年從子元伐鄭

闕班

申公莊二十八年從伐鄭三十年殺子元

闕章

僖二年囚鄭聃伯三十二年如晉請平

闕宜申

字子西僖二十二年獻宋捷於魯二十六年與子玉

滅麇二十八年以司馬將左軍與晉戰敗於城濮自

左傳卷之十一
楚世家第十一
十一
楚威王

繼云止之使爲工尹後竟謀弑穆王文十年王殺之

關克

字子儀申公僖二十五年與息公子邊皆囚於秦後

秦人歸之文十四年作亂爲國人所殺

關勃

字子上僖二十八年城濮之役將右軍後代爲呂臣

爲令尹三十三年救蔡爲晉帥所愚大子商臣譖於

王而殺之

屈氏

楚公族楚詞注武王子瑕食采於屈因以爲氏今細

玩傳文瑕似非武王子未敢以注語爲然也

屈瑕

爲莫敖桓十一年敗郢師十二年敗絞人十三年伐

羅敗師自縊而死

屈重

爲莫敖莊四年與闕祁秘王喪以盟隨人

屈完

僖四年與齊桓公盟於召陵

屈禦寇

字子邊爲析公僖二十五年囚於秦

屈蕩

宣十二年邲之役爲左廣戎右生搏趙旃得其甲裳

屈巫

字子靈一稱巫臣爲申公宣十二年伐蕭成二年竊

夏姬奔晉晉人使爲邢大夫詳見晉外臣

子閭

子蕩

清尹弗忌三人皆屈巫族成七年爲子重等所殺

屈到 前屈蕩子襄十五年爲其敖

屈蕩 襄十五年爲連尹二十五年爲其敖 案宣十二年

之屈蕩乃屈到之父屈建之祖此又是一人與之名
姓相同襄十五年傳文故敘屈到於屈蕩之上杜氏
注於後而不注於前非是

屈建 字子木前屈蕩孫當是到子襄二十二年爲其敖二
十五年代蒍子鴻爲令尹滅鳩舒二十七年與中夏
諸大夫盟宋爭先衷甲強惡已甚伯州犂譏之二十
八年卒

屈申 後屈蕩子昭四年圍吳朱方明年靈王爲其貳於吳

殺之

屈生

建子代屈申爲莫敖昭五年從令尹遣罷如晉逆女

屈罷

昭十四年平王使簡東國之兵

成氏

亦出自若敖

成得臣字子玉若敖孫僖二十三年伐陳有功于子文以令尹

授之二十八年與晉戰於城濮敗績自縊而死

成大心得臣子一稱大孫伯文五年滅六當是代子上爲令

尹十二年卒

成嘉

字子孔大心子文十二年嗣父爲令尹 案嘉是大

心子或云大心弟馬氏釋史主之非是

成熊

子玉曾孫卽嘉子一稱成虎昭十二年靈王殺之自

是楚無成氏矣

沈尹氏

出莊王楚有沈邑世爲其尹一稱沈氏封建考曰晉滅沈沈子奔楚爲沈氏非也成八年晉獲沈子國尙存其君後屢見經傳哀四年爲蔡所滅而楚固久有沈尹矣何得稱爲沈之後耶

沈尹壽襄二十四年讓舒鳩

沈尹射昭四年吳伐楚射奔命於夏汭五年待命於巢 案

此人卽是遺射昭五年傳有沈尹赤是同時有兩沈尹矣四年傳云沈尹射奔命於夏洳五年傳云遺射以繁揚之師會於夏洳傳末又云使沈尹射待命於巢明是一人蓋遺射先爲沈尹五年則赤爲沈尹傳文乃互見耳附辨於此

沈尹赤昭五年靈王伐吳以師會之 案此人見傳在前疑是戌之先人世族譜乃敘於戌後謬矣

沈尹戌莊王曾孫爲司馬一稱左司馬戌昭十九年論城州來二十七年帥師禦吳言於令尹子常殺費無極以靖國定四年柏舉之役戰敗死之可以愧子常矣

沈諸梁戍子字子高爲葉公故稱葉公諸梁見定五年哀十六年靖白公之亂迎惠王復位兼令尹司馬既而退老於葉有再造社稷之功又有不貪祿位之節誠沈尹之令子可以愧子西矣

后臧 子高弟吳人獲臧及其母亂定棄母歸子高聖之見

定五年

沈尹朱哀十七年與子高論枚卜令尹

陽氏

出自穆王子子揚之後

陽句

字子瑕穆王曾孫代子旗爲令尹昭十七年敗吳師

十九年聘秦謝夫人言於平王歸吳厥由二十三年

禦吳卒於師

陽令終勾子中廙尹祁奚黨昭二十七年與其弟完及佗皆

爲子常所殺

完

佗

熊氏

已下諸氏皆未詳所出

熊率且比桓六年論伐隨

熊負羈邲之役囚晉知罃

熊相僚宣十二年爲蕭人所殺

熊相祺昭二十五年平王使之郭巢

熊宜僚勇士不從白公作亂見哀十六年

申叔氏

申公叔一稱申叔僖二十六年成穀

申叔時當是叔侯子宣十一年諫莊王復封陳成十五年老
於申譏子反背盟明年又論其必敗死其言皆驗

申叔展當是時弟一稱叔展一稱申叔宣十二年救蕭人還
無社於晉井

申叔跪時子論巫臣竊妻見成二年

申叔豫跪子襄二十一年教薦子馮辭令尹明年又責子馮多寵人子馮從之得免於難可謂責善之良友矣

潘氏

潘崇

大子商臣師文元年教大子弑父真賊臣也十一年

伐麇十四年莊王立與成嘉伐舒蓼

潘尫

一稱師叔當是崇子文十六年謀滅庸宣十二年莊

王伐鄭尫入盟

潘黨

尫子一稱叔黨一稱潘尫之黨邲之役逐晉魏錡已

而率游闕四十乘從唐侯爲左拒以從晉上軍又請築武軍王辭之成十六年鄢陵之戰爲共王戎右

潘子

名朱傳昭十二年靈王使與蔣侯等圍徐明年皆爲

吳所獲

潘子臣定六年與小惟子皆爲吳大子所獲

申氏

申舟

名無畏字子舟一稱文之無畏文十年扶宋公之僕

惡於宋宣十四年聘齊過宋宋人殺之

申犀

無畏子無畏聘齊知過宋時不免見犀於王而行

申驪

一稱申麗成八年晉侵楚獲之

申無字

芋尹襄三十年王子闔殺蔣掩無字論其不終圍嘗

僭用王旌以田又斷之及圍竊立無字屢事諷諫君

雖不能盡納其言而愛君之心不可沒也

申亥

無字子嗣父爲芋尹昭十三年靈王失國亥迎之以歸王縊於其家亥以其二女殉而葬之

申包胥定四年吳入郢昭王出奔國幾亡包胥如秦痛哭求救明年以秦師大敗吳人迎王復國且逃賞不受忠臣而兼高人不圖於荆蠻之邦遇之

伍氏

伍參

莊王嬖人宣十二年論晉師必敗王聽其言卒敗晉於郟以成霸業

伍舉

參子一稱椒舉王子牟壻因子牟得罪舉奔鄭將奔

晉襄二十六年蔡聲子言於令尹子木而復之後黨於公子圍及圍篡立舉欲蓋其弑君之惡難乎其爲純臣矣

椒鳴 舉子襄二十六年蔡聲子使逆其父

伍奢 亦舉子一稱連尹奢平王使爲大子建師昭二十年

王信讒欲殺大子奢諫不聽執奢並其子尙殺之

伍尙 奢長子一稱棠君尙昭二十年平王執其父召之尙

遣弟員出奔已歸楚與父俱死

伍員 奢次子字子胥昭二十年奔吳黨於公子光卒賴其

力爲父兄復仇詳見吳外臣註

彭氏

彭仲爽申俘也文王以爲令尹見哀十七年補入於此以冠

彭氏之首

彭名 邲之役爲左廣御戎鄆陵之役爲共王御戎襄四年

侵陳

彭生 昭四年罷城許之師

觀氏

觀丁父都俘也武王以爲軍率見哀十七年當是觀氏先人

故取以冠觀氏之首

觀起 公子追舒寵人襄二十二年康王殺追舒車裂起

觀從起子父誅適蔡事朝吳昭十三年召子干子皙入蔡

迫蔡公棄疾以作亂子干自立從教之殺棄疾不聽

解去已而棄疾殺子干卽位召而復之使爲卜尹

觀瞻從裔孫世爲卜尹見哀十八年

工尹

工尹官名人非一族類聚之諸公以下仿此

工尹齊邲之役將右拒卒以逐晉下軍

工尹襄鄢陵之役共王使問晉郤至

工尹路昭十二年從靈公於乾谿請視鍼秘

工尹赤昭十九年遷陰

工尹壽昭二十七年從郤宛禦吳

諸公

期思後遂復遂人名期思邑名文十年爲右司馬從王田孟諸
郕公鍾儀郕邑大夫成七年鄭囚之獻於晉九年晉禮而歸之
析公 名失傳子儀黨見襄二十六年其奔晉當在文十四

年

申公壽餘哀四年與左司馬販等謀北方

閻公陽白公之亂穴宮負王以出

諸尹

連尹襄老邲之役晉荀首射殺之載其尸而去成三年歸尸於

楚以易知器

黑要

襄老子父死烝於夏姬成七年爲子反等所殺

楊豚尹宜楊豚邑名襄十八年康王使告令尹子庚

罷尹午

陵尹喜二人皆昭十二年靈王使與蕩侯等圍徐明年皆爲

吳獲

莠尹然

王尹麋二人皆昭二十七年帥師救潛案服虔云王尹主

宮內之政則麋乃王尹非工尹也本傳下文有工尹

壽豈宜同時有二工尹乎俗本之誤斷宜改正

監鼻恣昭三十年昭王使逆吳二公子

藍尹齋昭王出奔不與王舟亂定王欲殺之子西諫而止見

定五年

宰

少宰 名矢傳邲之役如晉師

大宰犯昭二十一年諫平王助宋叛臣

司馬

司馬卯宣十二年伐蕭與邲無社言

司馬督昭十二年與蕩侯等圍徐明年爲吳獲

右司馬稽昭三十一年與左司馬戌同救莒

左司馬販衰四年與申公壽餘等謀北方

史

左史倚相以博學名昭十二年從靈王於乾谿

史狎

昭十三年蔡公使須務牟與狎先入因正僕人以殺

靈王諸子

史皇

柏舉之役勸子常死難不聽師敗子常奔鄭皇死之

左史老袁十七年大師子穀舉之伐陳

諸大夫

道朔

桓九年武王使將巴客於鄧爲鄢人所殺

閔敖

武王使爲權尹不能守文王殺之見莊十八年

耿之不比莊二十八年從子元伐鄭

逢伯 僖六年對成王問許男

師縉 樂官僖二十一年成王使示鄭夫人以宋俘

宛春 城濮之役爲晉所拘

榮黃 一稱榮季諫子玉不聽見僖二十八年

仲歸 字子家文五年從成大心滅六十年謀弑穆王被殺

范山 文九年言於楚子使圖北方諸侯遂開晉楚爭鄭之

端可謂卓識 李氏尙史列范山於申氏中其說云

國語申無字爲范無字因知范山亦是申族黎案國

語之說已不足憑然以申無字之稱例之則當以申

山爲范山何得轉以范山爲中山乎拘謬之見斷不
可從况楚自有范邑文十年傳有范巫裔似杜註范
楚邑其巫人名裔似山或食采於范以邑爲氏亦未
可知安得逞其臆說妄改古人之姓氏耶 范巫詳
後小臣註

廬戢黎戢黎廬大夫文十四年與叔麋誘殺公子變闕克以
靖國十六年侵庸

叔麋 戢黎佐

子揚憲戢黎屬官爲庸人所囚

子貝 從滅庸 二人並見文十六年

許伯

樂伯

攝叔

三人共一乘邲之役如晉致師

許偃

邲之役爲右廣御戎成十二年與公子罷盟晉士燮

養由基一稱養叔善射邲之役爲右廣戎右成十六年晉呂

錡射共王中目由基射殺錡襄十三年用謀以敗吳

師十五年爲宮廄尹見傳者四十餘年昭十四年平

王殺蔓成然並滅養氏之族傳祇稱養氏無人名故

不再錄附記於此

唐狡

蔡鳩居邲之役二人奉命告唐惠侯

叔山冉勇士鄢陵之役搏人以投

鄢廖 襄三年爲吳所獲

醫 失名襄二十一年楚子使視蓬子馮之疾

師祁犁襄二十四年從沈尹壽讓舒鳩

子彊

息桓

子堤

子駢

子孟

五人皆襄二十五年帥左師以敗吳

穿封戌襄二十六年獲鄭皇頡王子圖與之爭以戈逐圖後

圖卽位滅陳使爲陳公見昭八年

蒯子 其事無考蔡聲子述之見襄二十六年附錄於此

蕩侯 昭十二年靈王使與潘子司馬督焉尹午陵尹喜圖

徐以懼吳明年皆爲吳獲

僕析父昭十二年從靈王於乾谿

須務牟詳史獬註

我如子躬昭十三年平王立使之聘鄭

費無極昭十五年害蔡朝吳其後勸平王娶大子建妻逐大

子殺伍奢父子出蔡侯朱至譚殺卻宛滅其族而波

及不辜罪惡已極昭二十七年沈尹戌言於子常殺之亦滅其族頗快人心然而晚矣

番陽城父司馬昭二十年平王使殺大子建陽遣之去使人執已以見王言語樸誠王特宥之

季然昭二十五年平王使之郭卷

邵宛字子惡昭二十七年爲右尹禦吳是年費無極譖於子常而殺之滅其族賢人而被奇禍哀哉

鄢將師爲右領昭二十七年與費無極共害邵宛沈尹戌言於子常殺無極并殺之亦滅其族

晉陳邵宛黨與其子弟同被害見昭二十七年其子弟

無名故不另列

武城黑武城大夫與史皇皆子常黨沮其聽左司馬言卒以
致敗

鍾建 昭王出奔建負王妹季芊以從亂定王以妹妻之使

爲樂尹 已上二人皆見定四年

閭罷與爲吳所囚已而逃歸

宋木 從昭王有功亂定後王與闔辛等并賞之 已上二

人皆見定五年

小惟子定六年與潘子臣及大夫七人皆爲吳獲

大夫七人名皆不傳

單浮餘哀四年楚人謀北方使圍蠻氏

大師子穀哀十七年薦右領差車左史老於王取陳麥

右領差車右領官名

外臣

公子側字子反宋公子仕楚爲司馬邲之役將右軍宣十五

年從國宋華元劫之與盟成七年與子重共滅巫臣

之族而分其室十二年晉郤至聘楚相禮十五年背

晉盟伐鄭求成十六年將中軍救鄭晉人敗之鄆陵

自殺

伯州犂晉伯宗子成十五年父被殺奔楚仕爲大宰鄆陵之

役助楚謀晉昭元年靈篡位殺之其孫韜奔吳

然丹

字子革鄭子然子奔楚爲右尹昭十二年從靈伐吳

明年子干作亂勸靈出亡不從棄之歸楚仍爲右尹

鍼宜咎陳鍼子八世孫襄二十四年奔楚爲箴尹昭四年城

鍼離

申鮮虞齊莊公嬖人公弑奔魯僕賃於野以喪公楚聞其賢

召之爲右尹見襄二十七年

蔡洧

蔡人楚靈滅蔡其父被殺既有寵於靈乾谿之行

使守國昭十三年從衆作亂

管修

齊管仲之後仕楚有賢名白公殺之見哀十六年

小臣

驪權

初以兵諫君旋自剄文使爲大關莊十九年文卒自

殺以殉

御人

文夫人侍人見莊二十八年

莊夢禹似禹似范邑之巫常預知楚成子玉子西皆強死見文

十年

封人

司徒

二官皆令尹爲艾獵城沂所使見宣十一年

巢牛臣司巢門之臣襄二十五年射殺吳子諸樊

正僕人大子近官棄疾使人入國因之以殺靈諸子見昭十

三年 已上皆楚君之小臣

穀陽豎子反臣鄢陵之役獻酒於子反以致醉不能見君

子南臣子南被殺謂其子棄疾請徙子南之尸

有寵者八爲子馮寵臣名皆不傳 已上皆見襄二十二年

申無宇闕有罪逃入章華宮無宇執之見昭七年

侍者 沈尹戌臣見昭十九年

吳勾卑吳人爲沈尹戌臣柏舉之役戌死勾卑藏其尸

鍼金 子期臣與隨人要言以免其君 二人皆見定四年

石乞 白公勝臣助之作亂勝敗而死楚人執乞烹之 已

上皆楚臣之小臣

秦臣考

公族

公孫枝字子桑系未詳僖九年論晉惠公入國十三年勸穆公與晉粟十五年韓之戰獲晉惠公勸穆公無殺其後舉用孟明卒能伐晉而霸西戎左公以忠許之誠不愧賢大夫也

宏 穆公子康公母弟見僖十五年

公子縶亦穆公子僖十五年勸公殺晉惠公二十四年奉命納文公於晉

小子憖亦穆公子僖二十八年助晉文公敗楚於城濮二十

九年盟翟泉

伯車

名鍼一稱后子桓公子景公母弟成十三年諸侯伐秦呂相稱其來晉襄二十六年如晉涖盟昭元年因寵懼禍奉母命奔晉司馬侯稱其知過必歸居晉數年謙遜有禮五年景公卒復歸於秦見傳者四十餘年案陳氏世族譜分伯車與鍼爲二人豈未見襄二十六年傳文耶

百里氏

已下二氏均未詳所出

百里

卽百里奚僖十三年勸穆公與晉粟

孟明

名視字孟明百里奚子僖三十二年穆公使與西乞

白乙帥師襲鄭皆被晉獲文嬴請二歸之文二年伐

晉再敗於彭衙穆公卒用之三年伐晉得志遂霸西

戎因秦國之良臣亦百里之令子也

蹇氏

蹇叔

僖三十二年諫穆公襲鄭不聽

其子

從孟明於師其父哭而送之

右大夫

官名

右大夫說成二年從楚會蜀

右大夫詹襄十一年從楚伐宋

庶長

官名

庶長鮑襄十一年與武伐晉敗士魴

庶長武

庶長無地襄十二年從楚伐宋

諸大夫

冷至 僖十年如晉報聘

卜徒父 僖十五年為穆公筮伐晉

杞子 僖三十年穆公使三人戍鄭後與穆公謀襲鄭鄭人

知之杞子奔齊二孫奔宋

逢孫

陽孫

西乞

名術僖三十二年與白乙從孟明襲鄭爲晉所獲文

十二年聘魯

白乙

名丙

奄息

仲行

鍼虎

已上三人皆子車氏子文六年穆公卒并以之爲殉

纘朝

文十三年贈晉士會以策

杜回 魏士宣十五年爲晉魏顆所獲

史黶 成十一年盟晉厲公

成差

不更父父不更官名已上二人麻隧之役皆爲晉獲

士雅 襄九年景公使乞師於楚

子蒲

子虎 已上二人定五年救楚大敗吳師

醫

醫緩 成十年視晉景公疾

醫和 昭元年視晉平公疾 緩之術已神矣而和之學愈

博識愈精何秦之多良醫也

外臣

劉氏 晉士會族處於秦別爲劉氏見文十三年

小臣

謀 偵探之人宣八年晉人殺之六日而蘇

莒臣考

公族

莒棼 莒子弟僖元年爲魯季友所獲

大子僕紀公大子文十八年弑父奔魯

公子務婁襄十四年爲晉所執昭元年與滅明晉胡以地奔齊

羣公子昭元年展與奪羣公子秩其人非一名亦不傳附記

之

公子滅明展與黨從務婁奔齊

公子意恢共公庚與弟昭十四年爲蒲餘侯所殺

公子鐸亦共公弟昭十四年與蒲餘侯謀出郊公迎立共公

諸大夫

古慶

莊二十七年如魯迎叔姬僖二十五年盟洮

晉胡

屢與黨從務妻奔齊

牟夷

昭五年以地奔魯

蒲餘侯名茲夫昭十四年殺意恢以出郊公

楚羊牧之昭二十二年諫共公與齊戰

烏存 昭二十三年帥國人逐共公

邾臣考

公族

文公子名不傳文七年魯伐邾取須句寘公子焉

捷菑 文公二妃晉姬所生文十四年奔晉晉趙盾以諸侯

之師納之弗克

庶其 邾族襄二十一年以地奔魯季武子以公姑姊妻之

公孫鉏昭二十三年城翼

黑肱 昭三十一年以地奔魯 案此人與庶其及莒牟夷

皆以地奔魯稱爲三叛

諸大夫

史 掌書官名不傳文十三年諫文公遷釋

大夫 名不傳襄八年會邢邱

界我 庶其黨襄二十三年奔魯

羊羅 昭十八年攝郕人之首

徐鉏

邱弱

茅地 已上三人皆昭二十三年城翼不聽公孫鉏之言俱

爲魯所獲

快 命卿昭二十七年經書邾快奔魯

夷射姑與莊公飲酒得罪於闕見定二年

茅成子名夷鴻哀七年魯入邾執邾子夷鴻以茅叛求救於

吳

小臣

閻 因乞肉弗得遂謀害夷射姑見定三年

越臣考

公族

公子倉昭二十四年與壽夢從楚伐吳

太子適郢勾踐太子見哀二十四年

諸大夫

常壽過昭五年從楚伐吳十三年從楚諸公子作亂

胥犴 昭二十四年勞楚子於豫章

壽夢 從公子倉會楚伐吳

靈姑浮定十四年以戈擊吳子

大夫種哀元年貨吳大宰嚭以行成 或曰卽文種

時無餘

誣陽

哀十三年二人皆爲吳所獲

諸鞅

哀二十三年聘魯

臯如

哀二十六年與后庸納衛出公

后庸

哀二十七年聘魯

外臣

大宰嚭吳亡仍仕越哀二十四年魯季孫因之以納賂於越

案勾踐滅吳不殺嚭而復用之失刑甚矣豈能與

上國爭霸也哉

小國臣考

隨

少師

少師官名其人名不傳桓六年如楚師董成八年楚

伐隨獲之

季梁

隨賢臣桓六年諫君追楚師八年楚伐隨隨侯不用

其謀以致敗

虢

詹父

桓十年虢仲請於王其詞直竟以王師伐虢虢仲奔

虢其後仕周爲大夫因惠王奪其田從爲國等作亂

莊二十一年爲鄭虢所殺

祝應 祝宗史皆官名應區皆人名三人皆爲虢公祀神

於莘者見莊三十二年

宗區

史諾 案此人與昭二十年齊大史同名

丹之僑閔二年虢公敗戎知其將亡奔晉

虞

虞叔 虞公弟以兄貪欲無厭桓十年竟伐公公奔共池

宮之奇僖二年諫假道不聽五年再諫假道又不聽遂攜族

以行而虞亡矣

井伯 僖五年晉執虞公并執之

邢

國子 邢正卿僖二十五年爲衛二禮所殺因而滅邢

郕

太子朱儒文十二年奔魯

北燕

諸大夫名皆不傳昭三年傳簡公欲去諸大夫而立其寵人

諸大夫共殺外嬖公懼而奔齊

外嬖

紀

裂繻

字子帛隱二年如魯逆女是冬又與莒子盟密

紀季 紀侯弟莊三年以地入齊國分爲二

許

百里 隱十一年鄭入許莊公奔衛鄭伯使百里奉許叔以

守國

許圍 楚靈王遷許而質之昭十三年從衆作亂

世子止悼公子昭十九年進藥殺父奔晉經書其弑君

巴

韓服 巴行人桓九年由楚如鄧爲鄧人所殺

鄧

養甥

聃甥

騶甥

已上三人皆鄧甥之仕於舅氏者桓九年飡聃二甥
救鄧爲楚所敗其後三甥共勸鄧侯殺楚文不聽見

莊六年

羅

伯嘉

見桓十二年

遂

因氏

領氏

工婁氏

須遂氏四族皆逐之強宗莊十七年共殺齊成

梁

卜招父梁卜官招父其名信十七年與其子卜梁麻之孕

其子
名不傳

蕭

高哀

經稱子哀蕭之封人仕宋爲卿文十四年不義昭公

出奔魯

還無社宣十二年楚滅蕭求救於申叔展

萊

正與子襄二年路齊夙沙衛六年齊滅萊奔莒被殺

郕

世子巫郕太子襄五年從叔孫豹如晉

郕大夫襄五年魯使之聽命於會名不傳然細玩傳文當仍

是世子巫耳

徐

儀楚

昭六年聘於楚被執逃歸

邇臣

昭三十年從徐子奔楚 案其人姓名不傳當非一

人

小邾

邾甲 穆公子亾在宋昭二十年遷華向之亂又奔邾

射

哀十四年以地奔魯

薛

薛宰

定元年城成周與宋爭功役惜其名不傳

唐

唐人

定三年傳子常止唐成公三年於楚唐人請代先從

者飲以酒醉之竊馬獻於子常而成公以歸其人姓名皆不傳不忍概以人沒之也附錄於此

戎狄臣考

北戎

大良

北戎二帥桓六年鄭獲之獻於齊

少良

赤狄潞氏

鄆舒

潞相見文七年後弑君夫人並傷其君日宣十五年

晉滅潞討其罪殺之

仲章

潞賢人爲鄆舒所棄見宣十五年

無終

孟樂

襄四年其君使如晉請和戎